

曾文正公全集

新式  
標點

# 十八家詩鈔 卷四

## 蘇東坡七律下二百八十二首

### 和王旂二首

旂字元龍安國之子安石之姪

異時長怪謫仙人，舌有風雷筆有神。聞道騎鯨游汗漫，憶嘗捫蝨話悲辛。氣吞餘子無全目，詩到諸郎尙絕倫。白髮故交空掩卷，淚河東注問蒼旻。

嫋嫋春風送度關，娟娟霜月照生還。遲留歲暮江淮上，來往君家伯仲閒。未厭冰灘吼新洛，且看松雪媚南山。野梅官柳何時動，飛蓋長橋待子閑。

### 次韻張琬

（施注）是時有兩張琬一韓城人父昇樞密使歸老嵩少元祐初琬自齊州倅求便親養兩易齋尉丞以才擢知秀州崇寧間爲廣東轉運副使移京東西路又一鄱陽人治平二年登第詩中有臨淮自古多名士之句臨淮乃泗邑疑自

有一張琬而二人者皆非也姑載於此以俟知者正之

新落霜餘兩岸隆，塵埃舉袂識西風。臨淮自古多名士，樽酒相連一作從樂寓公。半日偷閑歌嘯裏，百年暗盡往來中。知君不向窮愁老，尙有清詩氣吐虹。

### 贈梁道人

採藥壺公處處過，笑看金狄手摩挲。老人大父識君久，造物小兒如子何。寒盡山空無歷日，雨斜江上一漁蓑。神仙護短多官府，未厭人間醉踏歌。

### 泗州南山監倉蕭淵東軒二首

十八家詩鈔 卷四 蘇東坡七律下

十八家詩鈔 卷四 蘇東坡七律下

二

偶隨樵父採都梁，公自注南山名都梁山出都梁香故也竹屋松扉試乞漿；但見東軒堪隱几，不知公子是監倉。谿中亂石牆垣古，山下寒蔬七箸香；我是江南舊游客，挂冠知有老蕭郎。

北望飛塵苦畫簫，洗心聊復寄東齋；珍禽聲好猶思越，野橘香清未過淮。有信微泉來遠嶺，無心明月轉空階；一官倉庾真堪老，坐看松根絡斷崖。

泗州除夜雪中黃師是送酥酒二首

暮雪紛紛投碎米，春流活活一啣咽；走黃沙，舊游似夢徒能說，遷客一作逐如僧豈有家。冷硯欲書先自凍，孤燈何事獨成一一作生花；使君稊袞分酥酒，驚起妻孥一笑譁。

關右土酥黃似酒，揚州雲液卻如酥；欲從元放覓拄杖，忽有麴生來坐隅。對雪不堪令飽煖，隔船應已厭歌呼；明朝積玉深三尺，高枕牀頭尙一壺。

章錢二君見和復次韻答之二首

黃昏已作風翻絮，半夜猶驚月在沙；照汗玉峯明佛剎，隔淮雲海暗人家。來牟有信迎三白，薔蔔無香散六花；欲喚阿咸來守歲，林烏樞馬鬪譁。一作喧譁。

分無織手裁春勝，更有新詩點蜀酥；醉裏冰髭失纓絡，夢回布被起廉隅。君應旅睫寒生暈，我亦飢腸夜自呼；明日南山春色動，不知誰佩紫微壺。

書劉君射堂

集本云劉乙新作射堂  
公自注乙父嘗知眉州

蘭玉當年刺史家，雙韉馳射笑穿花；而今白首閑驄馬，只有清樽照畫蛇。寂寂小軒蛛網徧，陰陰垂柳雁行斜；手柔弓燥春風後，置酒看君中戟牙。

留題蘭皋亭

雪後東風未肯和，叩門遷客夜經過。不知舊竹生新筍，但見清伊換濁河。無復往來乘下澤，聊同笑語說東坡。明年我亦開三徑，寂寂兼無雀可羅。

和人見贈

只寫東坡不著名，此身已是一長亭。壯心無復春流起，衰鬢從教病葉零。知有雪兒供筆硯，應嗤蠹婦洗盆餅。回來索酒公應厭，京口新傳作客經。

和田仲宣見贈

頭白江南醉司馬，寬心時復喚殷兄。寒潮不應淮無信，客路相隨月有情。未許低頭拜東野，徒言共飲勝公榮。好詩惡韻那容和，刻燭應須便置觥。

記夢

並序

樂全先生夢人以詩三篇示之，字皆傍行，而不可識。旁有人道衣古貌，爲讀其中一篇云：「人爭且常在，留質悟圓開。」凡四句，覺而忘其二，以告其客蘇軾，軾以私意廣之云：

圓開有物物開空，豈有圓空入井中。不信天形真箇樣，故應眼力自先窮。連環易一作已解如神手，萬竅猶號未濟風。稽首問公公大笑，本來誰礙更求通。

與歐育等六人飲酒

忽驚春色二分空，且看樽前半丈紅。苦戰知君便白羽，倦游憐我憶黃封。年來齒髮老未老，此去江淮東復東。記

取六人相會處，引杯看劍坐生風。

和仲伯達

歸山歲月苦無多，尚有丹砂奈老何？  
繡谷只應花自染，鏡潭長與月相磨。  
君方傍海看初日，我已橫江擊素波；  
人不我知斯我貴，不須雷雨起龍梭。

送竹几與謝秀才

平生長物擾天真，老去歸田只此身；  
留我同行木上座，贈君無語竹夫人。  
但隨秋扇年年在，莫鬪瓊枝夜夜新；  
堪笑荒唐玉川子，暮年家口若爲親。

次韻許遵

蒜山渡口挽歸艫，朱雀橋邊看道裝；  
供帳已應煩百兩，擊鮮無久溷諸郎。  
問禪時到長干寺，載酒閒過綠野堂；  
此味只愛兒輩覺，逢人休道北窗涼。

送穆越州

穆名珣  
字東美

江海相忘十五年，羨公松柏蔚蒼顏；  
四朝耆舊冰霜後，兩郡風流水石閒。  
舊政猶傳蜀父老，先聲已振越溪山；  
樽前俱是蓬萊守，莫放高樓雪月閒。

贈葛葦

竹椽茅屋半摧傾，肯向蜂窠寄此生；  
長恐波頭卷室去，欲將船尾載君行。  
小詩試擬孟東野，大草閒臨張伯英；  
道遠百年須底物，故應憐我不歸耕。

次韻送徐大正

公自注嘗與余約卜鄰於江淮別將赴登州同舟至山陽以詩見送留別

別時酒醜照燈花，知我歸期漸有涯。去歲渡江萍似斗，今年並海棗如瓜。多情明月邀君共，無價青山爲我賒。千首新詩一竿竹，不應空釣漢江槎。

次韻徐積

字仲車

殺雞未肯邀季路，裹飯先須問子來。但見中年隱槐市，豈知平日賦蘭台。海山入夢支東去，風雨留人得暫陪。若說峨眉眼前事，故鄉何處不堪回。

過密州次韻趙明叔喬禹功

先生依舊廣文貧，老守時遭醉尉瞋。汝輩何曾堪一笑，吾儕相對復三人。黃雞唱曉淒涼曲，白髮驚秋見在身。一別膠西舊朋友，扁舟歸釣五湖春。

登州孫氏松堂

萬松誰種已樵樵，半嶺蒼雲映此邦。露重珠瓔蒙翠蓋，風來石齒碎寒江。浮空兩竹橫南閣，倒景扶桑射北窗。坐待夕烽傳海嶠，重城歸去踏蓬蓬。

次韻趙令鑠

東坡已報六年穰，惆悵紅塵白首郎。枕上谿山猶可見，門前冠蓋已相望。故人年少真瓊樹，落筆風生戰堵牆。端向壘閒尋吏部，老來專以醉爲鄉。

次韻王定國得穎倅二一首

十八家詩鈔 卷四 蘇東坡七律下

十八家詩鈔 卷四 蘇東坡七律下

六

仙風入骨已淩雲，秋水爲文不受塵。不噫固應號地籟，餘波猶足挂天紳。買牛但自捐三尺，射鼠何勞挽六鈞。莫向百花潭上去，醉翁不見與誰親。

滔滔四海我知津，每媿先生植杖耘。自少多言晚聞道，從今閉口不論文。濫翻白獸樽中酒，歸煮青泥坊底芹。要識老僧無盡處，牀頭牛蟻不曾聞。

次韻王震

自以上皆黃州常州居住覽自登州將還朝之時

攜文過我治平閒，霧豹當時始一斑。聞道吹噓借餘論，故教流落得生還。清篇帶月來霜夜，妙語先春發病顏。詩酒暮年猶足用，竹林高會許時攀。

次韻周邠

自此以下入朝爲起居舍人翰林學士以後之詩

南遷欲舉力田科，三徑初成樂事多。豈意殘年踏朝市，有如疲馬畏陵坡。羨君同甲心方壯，笑我無聊鬢已皤。何日西湖尋舊賞，淡烟疏雨暗漁蓑。

次韻胡完夫

完夫名宗愈晉陵人副樞宿之姪

青衫別淚尚爛斑，十載江湖困抱關。老去上書還北闕，朝來拄笏看西山。相從杯酒形骸外，笑說平生醉夢閒。萬事會須咨伯始，白頭容我占清閑。

次韻錢穆父

老入「明光」踏舊班，染須那復唱陽關。故人飛上金鑾殿，病客來從飯顆山。大筆推君西漢手，一言置

我老劉集作二劉開，公自注公行賦告陶引董仲舒劉向事便須置酒呼同舍，看賜飛龍出帝閑。

次韻穆父舍人再贈之什

詔語春温昨夜班，屋頭鳴鳩便闌闌。游仙夢覺月臨幌，賀雨詩成雲滿山。憐我白頭來仗下，看君黃氣發眉間。鳳池故事同縉務，火急開樽及尙閑。

再次韻答完夫穆父

公自注二公自言  
先世同在西掖

掖垣老吏一作史，識郎君並轡。天街兩絕塵，汗血固應生有種。夜光那復困無因。豈知西省深嚴地，也著東坡病瘦身。免使謫仙明月下，狂歌對飲只三人。

次韻答滿思復

自甘茅屋老三間，豈意彤廷綴兩班。紙落雲烟供醉後，詩成珠玉看朝還。誰言載酒山無賀，記取唳烏巷有顏。但恐跛蹤隨赤驥，青雲飛步不容攀。

和人假山

上黨攙天碧玉環，絕河千里抱商顏。試觀烟雨三峯外，都在靈仙一掌間。造物何如童子戲，寫真聊發使君閑。何嘗絜取西征去，畫作圍牀六曲山。

次韻子由送千之姪

江上松檜深復深，滿山風雨作龍吟。年來老幹都生菌，下有孫枝欲出林。白髮未成歸隱計，青衫儻有濟時心。閉門試草三千牘，仄席求人少似今。

次韻錢舍人病起

牀下龜寒且耐支，杯中蛇去未應衰。殿門明日逢王傅，欄具爭先看不疑。坐覺香煙攜袖少，獨愁花影上廊遲。何妨一笑千疴散，絕勝倉公飲上池。

次韻朱光庭初夏

朝罷人人識鄭崇，直聲如在履聲中。臥聞疏響梧桐雨，獨詠微涼殿閣風。諫苑君方續承業，醉鄉我欲訪無功。陶然一枕誰呼覺，牛蟻初除病後聰。

送賈訥倅眉二首

當年入蜀歎空回，未見峨眉肯再來。童子遙知頌襦袴，使君先已洗尊罍。公自注李大夫眉之賢守也鹿頭北望應逢雁，人日東郊尚有梅。公自注人日出東郊渡江游藝顧眉山之故事也我老不堪歌樂職，後生試覓子淵才。

老翁山下玉淵回，手植青松三萬栽。父老得書知我在，蓬蒿親手爲君開。試看一一龍蛇舞，更聽蕭蕭風雨哀。便與甘棠同不翦，蒼髯白甲待歸來。公自注先君葬於蟆顧山之東二十餘里地名老翁泉君許爲一往感歎之深故及之

次韻李修孺留別二首

十年流落敢言歸，魚鳥江湖只自知。豈意青天掃雲霧，盡呼黃髮寄安危。風流吾子真前輩，人物他年記一時。我欲折繻留此老，緇衣誰作好賢詩。

此生別袖幾回塵，夢裏黃州空自疑。何處青山不堪老，當時明月巧相隨。窮通等是思家意，衰病難堪送客悲。好去江魚煮江水，劍南歸路有姜詩。

和周正孺墜馬傷手

平生學道已神完，豈復兒童私自憐。醉墜何曾傷內守，色憂當爲念先傳。書空漸覺新詩健，把蟹行看樂事全。賣

卻老聽爲酒直，大呼鄉友作新年。

### 潘推官母李氏挽詞

南浦淒涼老逐臣，東坡還往盡幽人。杯柈一作盤慣作陶家客，絃誦嘗叨孟母隣。尙有升堂他日約，豈知負土一阡新。今年我欲江湖去，暮雨連山宰樹春。

### 玉堂栽花周正孺有詩次韻

故山桃李半荒榛，麤報君恩便乞身。竹簟暑風招我老，玉堂花蕊爲誰春。纖纖翠蔓詩催發，皎皎霜葩髮鬪新。只有來禽青李帖，他年留與學書人。

### 杜介送魚

新年已賜黃封酒，舊友仍分鱗尾魚。陋巷關門負朝日，小園除雪得春蔬。病妻起斫銀絲鱠，稚子謹尋尺素書。醉眼朦朧覓歸路，松江煙雨晚疏疏。

### 送杜介歸揚州

再入都門萬事空，閒看清洛漾東風。當年帷幄幾人在，回首觚稜一夢中。採藥會須逢薊子，問禪何處識龐翁。歸來鄰里應迎笑，新長淮南舊桂叢。

### 次韻張昌言給事省宿

馮顛久已歆殘雪，戎服何曾眩落暉。朔鰲按行猶雀躍，東臺瞑坐覺烏飛。昌言名問，襄陽人。神宗朝新法之行，獨能不阿時好爲。祕書監使河北，減價糴軍，寄救郡民飢，還爲給事中。公自注：道家有烏飛入兔宮之說，謾誇年少容吾在。公自注：樂天詩云：猶有誇張學少處，笑呼張丈喚殷兄。若闢樽前舉世稀，待向崧陽求水竹，一犁煙雨伴公歸。

送錢承制赴廣西路分都監

當年我作表忠碑，坐覺江山氣未衰。舞鳳尙從天目下，收駒時有渥洼姿。踞牀到處堪吹笛，橫槊何人解賦詩。知是丹霞燒佛手，先聲應已懾羣夷。

次韻曾子開從駕二首

子開名肇，乃曾肇從弟。

槐街綠暗雨初勻，瑞霧香風滿後塵。清廟幸同觀濟濟，豐年喜復接陳陳。雍容已鑿天庖賜，俯伏初嘗貢茗新。輦路歸來聞好語，共驚堯顙類高辛。

入仗魂驚槐草萊，一聲清蹕九門開。暉暉日傍金輿轉，習習風從玉宇來。流落生還真一芥，周章危立近三槐。公自注學士班近執政。道旁儻有山中舊，問我收身蚤晚回。

再和二首

眼花錯莫鬢霜勻，病馬羸驕只自塵。奉引拾遺叨侍從，思歸少傅羨朱陳。衰年壯觀空驚目，嶮韻清詩苦鬪新。最後數篇君莫厭，擣殘椒桂有餘辛。

憶觀滄海過東萊，日照三山迤邐開。桂觀飛樓凌霧起，仙幢寶蓋拂天來。不聞宮漏催晨箭，但覺檐陰轉古槐。供奉清班非老處，會稽何日乞方回。公自注時方闕會稽守。

次韻貢父省上

密雲今日破郊西，疏雨脩脩未作泥。要及清閑同笑語，行看衰病費扶攜。花前白酒傾雲液，戶外青驄響月題。不用臨風苦揮淚，君家自與竹林齊。公自注貢父詩中有不及與其兄原齋同時之歎，然其兄子仲馮今起居舍人。

再利

當年曹守我膠西，共厭鋪糟與汨泥；自古赤丸成習俗，因公黃犢免提攜。生還各有青山興，病起猶能小字題。莫怪歌呼數相和，曾將獄市寄全齊。公自注貢父爲曹州盜賊皆奔鄰境嘗有詩云從政管窺稍奔秦

和張昌言喜雨

二聖憂勤忘寢食，百神奔走會風雲；禁林夜直鳴江濶，清洛朝回起縠紋。夢覺酒醒聞好語，帳空簾冷發餘薰；秋來定有豐年喜，賸作新詩準備君。

次韻劉貢父西省種竹

要知西掖承平事，記取劉郎種竹初；舊德終呼名字外，後生誰續笑談餘。公自注昔李公擇種竹館中戲語同舍後人指此竹必云李文正手植貢父笑曰文正不獨繫筆亦知種竹那時有筆工李文正成陰障日行常見脫筍供庖計已疏白首林間望天上平安時報故人書。

次韻劉貢父獨直省中

明窗畏日曉先曠，高柳鳴蜩午更喧；筆老新詩疑有物，心空客疾本無根。隔牆我亦眠風榻，上馬君先瑣月軒；共喜蚤歸三伏近，解衣槃礴亦君恩。

次韻張昌言喜雨

千里黃流失故居，年來赤地到青徐；遙聞珍重十行詔，無異親巡六尺輿。精貫天人一言足，雲興嶽瀆萬靈趨；愛君誰似元和老，賀雨詩成卽諫書。

次韻孔常父送張天覺河東提刑

送君應典鸛鷖裘，憑仗千鍾洗別愁。脫帽風流餘長史，公自注君喜草書而不工故以此爲戲埋輪家世本留侯。公自注張綱子房七世孫也。韃爲武陽人。葬在今彭山。君登其後。邪子河駿馬方爭出。公自注麟府馬出于河。泌昭義疲兵得少休。公自注唐福昭義步兵蓋潞潞弓箭手定向秋山得佳句。故關黃葉滿行轡。

次韻王定國倅揚州

此身江海寄天游，一落紅塵不易收。未許相如還蜀道，空教何遜在揚州。又驚白酒催黃菊，尙喜朱顏映黑頭。火急著書千古事，虞卿應未厭窮愁。

次韻張舜民自御史出倅虢州留別

玉堂給札氣如雲，初起湘纍復佩銀。樊口淒涼已陳迹，公自注昔與張同游武昌樊口來詩中及之。班心突兀見長身。公自注臺史謂御史立處爲班心。江湖前日眞成夢，鄂杜他年恐卜鄰。此去若容陪坐嘯，故應生客盡詩人。

次韻劉貢父所和韓康公憶持國二首

夢覺眞同鹿覆蕉，相君脫屣自參寥。顏紅底事髮先白，室邇何妨人自遙。狂似次公應未怪，醉推東閣不須招。援毫欲作衣冠表，盛事終當繼八蕭。  
閉戶端居念獨深，小軒朱檻憶同臨。燎鬚誰識英公意，黃髮聊知子建心。已託西風傳絕唱，且邀明月伴孤斟。他時內集應呼我，下客先拚醉墮簪。

次韻劉貢父叔姪扈駕

玉堂孤坐不勝清，長羨鄒枚接長卿。只許隔牆聞置酒，時因議事得聯名。機雲似我多遺俗，廣受如君不治生。共託屬車塵土後，鈞天一餉夢中榮。

### 次韻韓康公置酒見留

庭下黃花一醉同，重來雪蠟已穹窿。不應屢費譏安石，但使無多酌次公。鍾乳金釵人似玉，鷓鴣絃鐵撥坐生風。少卿尚有車茵在，頗覺寬容勝弱翁。

### 次韻王都尉偶得耳疾

君知六齧皆爲贅，我有一言能決疣。病客巧聞牀下蟻，癡人強覷棘端猴。聰明不在根塵裏，藥餌空爲婢僕憂。但試周郎看豐否，曲音小誤已回頭。

### 和宋肇游西池次韻

漢皇慈儉不開邊，尙教千艘下瀾船。貪看鸞艦飛鬪艦，不知鼉鼓舞鈞天。故山西望三千里，往事回思二十年。自笑區區足官府，不如公子散神仙。

### 僕領貢舉未出錢穆父雪中作詩見及二月二十日同游金明池始見其詩次

#### 韻爲答

雪知我出已全消，花待君來未敢飄。行避門生時小飲，忽逢騎吏有嘉招。魚龍絕技來千里，斑白遺民數四朝。知有黃公酒壚在，蒼顏華髮自相遙。

### 次韻子由五月一日同轉對

（施注）元祐三年五月一日公以翰林學士侍讀文定以戶部侍郎同對先是公發策試慶正一館職問王莽曹操事侍御史王明叟覲奏論以爲非是韓川趙挺之亦攻之

公屢疏引去故詩有憂患半生歸休上策云云結用趙堯事言事宜中必有所指也

跪奉新書笏在腰，談王正欲伴耕樵。晉陽豈爲一門事，宣政聊同五月朝。憂患半生聯出處，歸休上策蚤招搖。後生可畏吾衰矣，刀筆從來錯料堯。

次韻許冲元送成都高士敦鈐轄

士敦字仲穆名將瓊之孫

移中老監本虛密，懶作燕山萬里行。公自注余與高同使契丹辭免不行坐看飛鴻迎使節，歸來駿馬換傾城。高才本不緣勳閥，餘力還思治蜀兵。西望雪山烽火盡，不妨樽酒寄平生。

臥病逾月請郡不許復值玉堂十一月一日鎖院是日苦寒詔賜官燭法酒書

呈同院

微霰疏疏點玉堂，詞頭夜下攬衣忙。分光玉燭星辰爛，拜賜宮壺雨露香。醉眼有花書字大，老人無睡漏聲長。何時卻逐桑榆暖，社酒寒燈樂未央。

次韻王定國會飲清虛堂

何遜揚州又幾年，官梅詩興故依然。何人可復開季孟，與子不妨中聖賢。卜築君方淮上郡，歸心我已劍南川。此身正似蠶將老，更盡春光一再眠。

夜直玉堂攜李之儀端叔詩百餘首讀至夜半書其後

玉堂清冷不成眠，伴直難呼孟浩然。暫借好詩消永夜，每逢佳處輒參禪。愁侵硯滴初含凍，喜入燈花欲鬪妍。寄語君家小兒子，他時此句一時編。

范景仁和賜酒燭詩復次韻謝之

公自注時公方變新樂

笙磬分均上下堂，游魚舞獸自奔忙。朱絃初識孤桐韻，公自注舊樂金石聲高而絃聲微。今樂金石與絲聲皆著。玉瑄猶聞世黍香。公自注舊法以尺生律，今以乘定律以律生尺。萬事今方咨伯始，一斑我亦愧真長。此生會見三雍就，無復寥寥歎未央。

次韻劉貢父春日賜幡勝

「寬詔」隨春出內朝，三軍喜氣挾狐貂。鏤銀錯落翻斜月，翦綵繽紛舞慶霄。臘雪強飛纔到地，曉風偷轉不驚條。脫冠徑醉應歸臥，便腹從人笑老韶。公自注前一日微雪是日暮次賜酒

再和

與君流落偶還朝，過眼紛紛七葉貂。莫笑華顛鬢彩勝，幾人黃壤隔青霄。行吟未許窮騷雅，坐嘯猶能出教條。記取明年江上郡，五更春枕夢春韶。

葉公秉王仲至見和次韻答之

衫絳方暑亦堪朝，歲晚淒風憶皂貂。共喜鸞鸞歸禁籞，心知日月在重霄。君如老驥初遭絡，我似枯桑不受條。強鬪霜須簪綵勝，蒼顏得酒尙能韶。

再和

衰遲何幸得同朝，溫勁如君合珥貂。誰惜異材蒙徑寸，自慚枯朽借凌霄。光風泛泛初浮水，紅糝離離欲綴條。後日一樽何處共，奉常端冕作「咸韶」。

王鄭州挽詞

名克臣字子難鄭州人顯臣審琦之曾孫

羨君華髮起琳宮，右輔初還鼓角雄；千里農桑歌子產，一時冠蓋慕蕭嵩；那知聚散春糧外，使有悲歡過隙中；京兆同僚幾人在，猶思對案筆生風。公自注吾爲開封府幕與子雖同廳

送呂昌朝知嘉州

不羨三刀夢蜀都，聊將八詠寄東吳；臥看古佛凌雲閣，敕賜詩人明月湖；得句會應緣竹鶴，思歸寧復爲蓴鱸；橫空好在修眉色，頭白猶堪乞左符。

次韻黃魯直寄題郭明父府推穎州西齋二首

樹頭啄木常疑客，客去而暝定不然；脫輻已應生井沫，解衣聊復起庖烟；平生詩酒真相汗，此去文書恐獨賢；蚤晚西湖映華髮，小舟翻動水中天。

寂寞東京月旦州，德星無復綴珠旒；莫嗟平輿去聲空神物，尙有西齋接勝流；春夢屢尋湖十頃，家書新報橘千頭；雪堂亦有思歸曲，爲謝平生馬少游。

次韻秦少章和錢蒙仲

少章名觀乃秦少游之弟蒙仲乃錢穆父之子

碧畦黃隴稻如京，歲美人和易得情；鑑裏移舟天外思，地中鳴角古來聲；山圍故國城空在，潮打西陵意未平；二子有如雙白鷺，隔江相照雪衣明。

次韻錢越州

（施注）錢越州穆父先賦羣字韻詩東坡次其韻錢又和寄坡復次其韻先是東坡起流落中堂二制勇於報國不爲顧慮且復疏於言語是時衆賢雖聚本朝而已有洛黨川黨朔黨之語言路多以謗訕誣之二聖察其忠藎

不以爲學諸公無以洩其怒凡所薦引如黃魯直歐陽叔弼于定國秦少游皆被彈劾無得免者公乃屢章乞去歷辯綉傷元祐四年三月除龍圖閣學士知杭州而穆父時以京尹坐奏獄空事守越正言劉器之謂責之太薄錢與公以氣類厚善故此詩末章云年來齒頰生荊棘習氣因君又一言後又和云歛息波瀾須引去吾儕豈獨坐多言意和有在也